

Extreme Explorers di

Grupo Scout St. Paulus-Michael

ta "adventurously active"

STA. CRUZ -- Diasabra ultimo e unidad di explorernan di Grupo Scout St. Paulus-Michael di San Nicolas tabata na Spaans Lagoen cu un proyecto di exploracion. Meta di e evento tabata pa nan conoce e mangelnan di cerca y experencia con ta pasa den nan unda cu no tin pasada. Djey e scoutnan a cruza lagoen te na e brug di trafico. Durante e exploracion di e mangelnan tambe a dedica atencion na e parti di natacion pisa, unda cu e scout ta landa completamente bisti. Na mes momento e tin cu maniobra den e awanan haciendo lo minimo di sonido y hibando cu ne su pertenencianan. Esaki ta haci e movcion den awa mas dificil pa

realize. Intencion ta cu den futuro cercano lo amplia e exploracion cu maniobra den awa cu kayak. E grupo "Extreme Explorers" aki ta consisti di hobennan (muchu homber) den e edad di 15 pa 18 aña. Nan ta scouts miembro di Grupo Scout St. Paulus-Michael. E grupo scout aki ta ofrece e hoben di San Nicolas e oportunidad pa explora e isla di Aruba y tambe desaroya su habilidad musical. Mayoria miembro di "Extreme Explorers" ta forma parti tambe di e drumband "Drumkapel St. Paulus-Michael". Pa mas informacion tocante nan actividadnan por tuma contacto libremente cu Chief Albertico Flanegin na Cel. 565-0659.

